

Na osnovu člana 34. a u vezi sa članom 47. i 67. Zakona o državnoj službi u Kantonu Sarajevo («Službene novine Kantona Sarajevo»), broj: 31/16, Agencija za državnu službu Federacije BiH, na osnovu zahtjeva Zavoda za informatiku i statistiku Kantona Sarajevo, objavljuje

**JAVNI KONKURS
za popunu radnog mjesta državnog službenika
u Zavodu za informatiku i statistiku Kantona Sarajevo**

06 / 912

- Viši stručni saradnik – sistem inženjer

– 1 (jedan) izvršilac

Opis poslova: organizuje i unapređuje računarski sistem organa uprave i stručnih službi Kantona i brine se za njegov optimalan rad; planira, dokumentuje, i unapređuje postavke servera, radnih stanica, korisnika i informatičkih servisa Kantona, te mrežne opreme po potrebi; priprema pravilnike i uputstva o upotrebi informacionog sistema; planira i postavlja evidenciju i statistiku događaja u sistemu; planira mjere pohrane i zaštite sistema i podataka; planira postavke i organizaciju sistemskih i aplikativnih programa; prati pravce razvoja i stanja informacionih tehnologija u oblasti administracije i razvoja sistema; obavlja i druge poslove i zadatke po nalogu rukovodioca.

Uslovi: Pored općih uslova predviđenih članom 35. Zakona o državnoj službi u Kantonu Sarajevo, kandidati trebaju ispunjavati i slijedeće posebne uslove i to:

- VSS, završen Elektrotehnički fakultet, Fakultet infomacionih tehnologija, Škola nauke i tehnologije Sarajevo - smjer kompjuterske nauke ili Fakultet za saobraćaj i komunikacije – smjer komunikacije;
- najmanje 2 (dvije) godine radnog iskustva u struci nakon sticanja VSS, na poslovima systemske infrastrukture;
- poznavanje administracije sistema (Windows, Linux) baza podataka i aplikacija

Prijavljivanje na konkurs:

- a) Kandidati koji su evidentirani u Registru državnih službenika Federacije BiH koji vodi Agencija za državnu službu FBiH (postojeći državni službenici) prijavljuju se na konkurs dostavljanjem uredno popunjenog prijavnog obrasca Agencije (može se preuzeti uprorijama **Odjeljenja Agencije za Kanton Sarajevo i Bosansko podrinjski kanton, ulica Kulovića 7.** ili na web stranici Agencije www.adsfbih.gov.ba).
- b) Ostali kandidati dužni su dostaviti sljedeću dokumentaciju (original ili ovjerene kopije):
 1. fakultetsku diplomu (nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspalom SFRJ nakon 06.04.1992. godine),
 2. potvrdu/uvjerenje o radnom iskustvu u struci, nakon sticanja VSS, na poslovima systemske infrastrukture, (*primjerak uvjerenja se nalazi na web stranici Agencije: www.adsfbih.gov.ba*)

3. ovjerena izjava kandidata o poznavanju administracije sistema (Windows, Linux) baza podataka i aplikacija,
4. uredno popunjen prijavni obrazac Agencije (može se preuzeti u prostorijama Odjeljenja Agencije za Kanton Sarajevo i Bosansko – podrinjski Kanton, u Sarajevu ul. Kulovića 7, ili na web stranici Agencije www.adsfbih.gov.ba).

Kandidati koji dostave dokaz o položenom stručnom upravnom ispitu, javnom ispitu za državne službenike u institucijama Bosne i Hercegovine ili pravosudnom ispitu izuzimaju se od polaganja ispita općeg znanja.

Napomena: U slučaju da Agencija ne raspolaže podacima koji se odnose na pojedine uslove konkursa, kandidati koji imaju status državnog službenika će biti dužni potrebne dokaze o ispunjavanju uslova konkursa dostaviti Agenciji u roku od 5 dana od dana prijema obavijesti Agencije kojom se traži dostavljanje dokaza.

O datumu, vremenu i mjestu polaganja ispita općeg znanja i stručnog ispita kandidati će biti obaviješteni putem web stranice Agencije za državnu službu Federacije BiH, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od učešća u konkursnoj proceduri, o čemu neće biti pismeno obaviješten.

Izabrani kandidat je dužan u roku od 8 dana od dana prijema obavještenja o rezultatima konkursa, dostaviti Agenciji sve dokaze o ispunjavanju uslova konkursa.

Prijavu na konkurs, odnosno sve tražene dokumente treba dostaviti u roku od 15 dana od objave javnog konkursa u «Službenim novinama FBiH», putem pošte, preporučeno na adresu:

**AGENCIJA ZA DRŽAVNU SLUŽBU FEDERACIJE BIH
ODJELJENJE AGENCIJE ZA KANTON SARAJEVO I BOSANSKO PODRINJSKI KANTON, UL.
KULOVIĆA 7,
71000 SARAJEVO
sa naznakom:**

**„Javni konkurs za popunu radnog mjesta državnog službenika
u Zavodu za informatiku i statistiku Kantona “**

Nepotpune, neuredne i neblagovremene prijave neće se uzeti u razmatranje

V.D. DIREKTOR

Refik Begić, magistar uprave